



Broj: 01-50-1-15-5/20

Veza: 01-02-1-472/20

Sarajevo, 27. 2. 2020.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: 02-03-2020 | | | |
| Organizaciona jedinica | Klasifikaciona oznaka | Redni broj | Broj priloga |
| | | | |

DOM NARODA
PARLAMENTARNE SKUPŠTINE
BOSNE I HERCEGOVINE
n/r Dragana Čovića, predsjedatelja

Vanu
3.3.2020

Na 5. sjednici, održanoj 26. 2. 2020., Zastupnički dom Parlamentarne skupštine Bosne i Hercegovine usvojio je po hitnom postupku, u skladu s člankom 133. Poslovnika Zastupničkog doma („Službeni glasnik BiH“, br. 79/14, 81/15, 97/15 i 78/19), Prijedlog zakona o prestanku mandata Visokog sudbenog i tužiteljskog vijeća BiH u sadašnjem sastavu, čiji je predlagatelj zastupnik Dragan Mektić.

U skladu s člankom 128. stavak (1) Poslovnika Zastupničkog doma, u privitku Vam dostavljam navedeni prijedlog zakona radi razmatranja i usvajanja.

Privitak: Prijedlog zakona o prestanku mandata Visokog sudbenog i tužiteljskog vijeća BiH u sadašnjem sastavu

S poštovanjem,



Dostaviti:

- naslovu



a/a

prijedlog

Na osnovu člana IV. 4. a) i e). Ustava Bosne i Hercegovine, Parlamentarna skupština Bosne i Hercegovine, nasjednici Predstavničkog doma, održanoj godine, i nasjednici Doma naroda, održanoj, donijela je

ZAKON O PRESTANKU MANDATA VISOKOG SUDSKOG I TUŽILAČKOG VIJEĆA U BIH U SADAŠNJEM SASTAVU

POGLAVLJE I OPŠTE ODREDBE

Član 1.

(Predmet ovog Zakona)

Ovim Zakonom propisuje se prestanak mandata Visokog sudskog i tužilačkog vijeća u BiH (u daljem tekstu: „Vijeća u sadašnjem personalnom sastavu i uređuju rokovi i postupak za izbore novih članova Vijeća.

POGLAVLJE II PRESTANAK MANDATA I IZBOR NOVIH ČLANOVA

Član 2.

(Prestanak mandata)

Mandat Vijeća , u sadašnjem personalnom sastavu prestaje sa danom 15.06.2020. godine.

Član 3.

(Rok i postupak za izbor novih članova Savjeta)

Najkasnije do 08.06.2020. godine, pravosudni organi, advokatske komore i institucije Bosne i Hercegovine koje biraju članove u Vijeće, saglasno članu 4. Zakona o Visokom sudskom i tužilačkom vijeću , dužni su provesti postupak izbora novih članova Vijeća.

POGLAVLJE III PRELAZNE I ZAVRŠNE ODREDBE

Član 4.

(Stupanje na snagu)

Ovaj Zakon stupa na snagu osmog dana od dana objavljivanja u Službenom glasniku Bosne i Hercegovine.

Broj:

_____ 2020. godine

Sarajevo

Predsjedavajuća Predstavničkog doma
Parlamentarne skupštine BiH
Denis Zvizdić, s. r

Predsjedavajući Doma naroda
Parlamentarne skupštine BiH
Dragan Čović s. r

OBRAZLOŽENJE

I PRAVNI OSNOV

Pravni osnov za donošenje Zakona o prestanku mandata Visokog sudskog i tužilačkog savjeta u BiH sadržan je u odredbama člana IV. 4 a) i e) Ustava Bosne i Hercegovine prema kojem je Parlamentarna skupština Bosne i Hercegovine nadležna za donošenje svih zakona koji su potrebni za sprovođenje odluka Predsjedništva ili za vršenje funkcija Skupštine po ovom Ustavu, kao i za ostala pitanja koja su potrebna da se provedu njene dužnosti, ili koja su joj dodijeljena zajedničkim sporazumom entiteta.

U martu 2004. godine, entitet su prenijeli na Parlamentarnu skupštinu BiH pravo da zakonom uređuje sva pitanja vezana za organizaciju i rad Visokog sudskog i tužilačkog savjeta BiH. Dakle, pitanje trajanja, pa i vanrednog prestanka mandata Visokog sudskog i tužilačkog savjeta, može se propisati ovim *lex specialis* zakonom.

II RAZLOZI ZA DONOŠENJE ZAKONA, KAO I RAZLOZI ZA HITAN POSTUPAK

Razlozi za donošenje ovog Zakona su takve prirode da ujedno predstavljaju i razloge koji, više nego opravdavaju, hitnu proceduru donošenja zakona.

Ogledaju se u slijedećem:

- neusvajanje Izvještaja o radu VSTV za 2017. godinu i 2018. godinu;
- odsustvo poštivanja vladavine prava od strane nosilaca pravosudnih funkcija (brojne afere i nezakonitosti opštepoznate javnosti, afera "Potkivanje" itd, postojanje sprega između politike i pravosuđa, zapanjujuća podrška ostalih članova Vijeća koju je dobio predsjednik Vijeća iako je posle afere bilo neophodno sankcionisanje cjelog sastava Vijeća na način da svi podnesu ostavku ili da se raspuste, obzirom na načinjeni moralni i profesionalni sunovrat, kako od predsjednika Vijeća, tako i ostalih članova Vijeća,
- donošenje nezakonitih podzakonskih akata-Pravilnika a što je potvrđeno i od strane Suda BiH presudom od 13.01.2020. godine kojom je odbijena tužba koju je Vijeće podnijelo protiv Agencije za zaštitu ličnih podataka u BiH (UP1 03-1-37-5-4-4/19 od 05.03.2019. godine). VSTV je donio Pravilnik 26. septembra 2018. godine i uredio pitanje finansijskih izvještaja sudija što je zloupotreba obzirom da ova oblast mora biti uređena zakonom donesenim od strane Parlamentarne skupštine a ne podzakonskim aktom i na način kako je učinjeno. Još jedan dokaz iz kojeg je vidljivo da čelni nosioci pravosudnih funkcija ne poštuju zakone;
- odsustvo spremnosti pravosuđa da se bori protiv nezakonitosti u sopstvenim redovima;

-Pribeov izvještaj gdje je izmedju niza uočenih i istaknutih nedostataka u radu ovog Vijeća naglašena i slabost Vijeća u pogledu sprovođenja temeljne istrage poslije afere „Potkivanje“

-donošenje ovog zakona je prelazno rješenje do donošenja dva nova zakona, od kojih bi jedan bio Zakon o Visokom sudskom savjetu a drugi Zakon o tužilačkom savjetu, kao odvojenim, u međusobno nezavisnim institucijama, a koji razlozi će biti navedeni u prijedlozima istih;

-omogućavanje profesionalnog izbora, moralno kompetentnih ljudi na pravosudne funkcije(članovi bi trebali biti osobe sa višegodišnjim sudijskim i tužilačkim iskustvom, što sada nije slučaj).

-konačno kao glavni razlog je vraćanje povjerenja javnosti u pogledu rada nosilaca pravosudnih funkcija.

Vijeće je centralna institucija u BiH u oblasti vladavine prava i njegov zadatak je da zaštiti sudstvo od političkog uticaja i miješanja, da garantuje normalno i nezavisno funkcionisanje sudstva, a potom vodi reformu pravosuđa. Izbor novog sastava članova Vijeća bi predstavljao trenutno najveći doprinos vladavini prava BiH.

Svi gore izloženi razlozi su ujedno i razlozi za hitnost postupka

III PRINCIPI NA KOJIMA JE PRIJEDLOG ZAKONA ZASNOVAN

Ovaj prijedlog Zakona zasnovan je na principima: zakonitosti i pravičnosti, efikasnosti, odgovornosti.

IV PROCJENA FINANSIJSKIH SREDSTAVA NEOPHODNIH ZA SPROVOĐENJE ZAKONA

Usvajanje ovog lex specialis Zakona neće iziskivati dodatna budžetska sredstva.